



MØTEPROTOKOLL

Utval:	Levekårsutvalet
Møtedato:	30.05.2024
Møtetid:	09:00 - -15:30
Møtestad:	Austrheim samfunnshus, Kafeen

Frammøtte faste medlemmer

Namn	Rolle	Parti	Merknad
Renee Hansen	medlem	SAM	
Semmingsen			
Lisbeth Oen	medlem	INP	
Linda Brandtun	medlem	U	
Inger Lise Brekke	medlem	H	
Per Lerøy	leder	AP	

Faste medlemmer som ikkje møtte

Namn	Rolle	Parti
Bjarte Næss	MEDL	SP
Helge Dyrkolbotn	MEDL	U

Frammøtte varamedlemmer

Namn	Rolle	Parti	Merknad
Hege Bergsvik Sætre	Bjarte Næss	AP	
Oscar Føyen	Helge Dyrkolbotn	H	

Følgjande frå administrasjonen møtte:

Ketil Tjore	møtesekretær
Trine Merete Jansen	kommunalsjef
Anne Hildegunn Færøy	kommunalsjef

Møteprotokollen vert publisert på kommunen si nettside. Den er mellombels godkjent av utvalsleiar eller ordførar i etterkant av møtet, og vert endeleg godkjent i neste møte.

Ketil Tjore

Møtesekretær

Sakliste

Saksnummer	Sakstittel	Unntak frå innsyn
PS 16/2024	Godkjenning av innkalling og sakliste	
PS 17/2024	Godkjenning av møteprotokoll - levekårsutvalet 11. april 2024	
OS 4/2024	Orienteringssak til Levekårsutvalet 30. mai	
PS 18/2024	Referatsaker	
RS 4/2024	Årsmelding frå Sivilombudet 2023	
RS 5/2024	Vikarbruk i offentleg sektor	
RS 6/2024	Rapport om kartlegging av kommunane si saksbehandling i helse- og omsorgstenesta	
RS 7/2024	Informasjon om lovendring - omvendt voldsalarm	
PS 19/2024	Revidering av barnehagevedtekter 2024	
PS 20/2024	Skulereglar 2024 1. utkast	
PS 21/2024	Revidering av SFO-vedtektene	
PS 22/2024	Utnemning av medlem til arbeidsgruppe - vurdering av ny plassering av motorcrossbana	

PS 16/2024 Godkjenning av innkalling og sakliste

Kommunedirektøren sitt framlegg til vedtak:
Innkalling og sakliste vert godkjent

Handsaming i Levekårsutvalet - 30.05.2024 av sak 16/2024 Godkjenning av innkalling og sakliste:

Utvalsleiar Per Lerøy refererte framlegget til vedtak.

Handsaming i Levekårsutvalet:
Samrøystes for kommunedirektøren sitt framlegg til vedtak.

Vedtak i Levekårsutvalet - 30.05.2024 av sak 16/2024 Godkjenning av innkalling og sakliste:

Kommunedirektøren sitt framlegg til vedtak:
Innkalling og sakliste vert godkjent

PS 17/2024 Godkjenning av møteprotokoll - levekårsutvalet 11. april 2024

Kommunedirektøren sitt framlegg til vedtak:
Møteprotokollen frå 11. april 2024 vert godkjent.

Handsaming i Levekårsutvalet - 30.05.2024 av sak 17/2024 Godkjenning av møteprotokoll - levekårsutvalet 11. april 2024:

Utvalsleiar Per Lerøy refererte framlegget til vedtak.

Handsaming i Levekårsutvalet:
Samrøystes for kommunedirektøren sitt framlegg til vedtak.

Vedtak i Levekårsutvalet - 30.05.2024 av sak 17/2024 Godkjenning av møteprotokoll - levekårsutvalet 11. april 2024:

Kommunedirektøren sitt framlegg til vedtak:
Møteprotokollen frå 11. april 2024 vert godkjent.

OS 4/2024 Orienteringssak til Levekårsutvalet 30. mai

Kommunedirektøren sitt framlegg til vedtak:
Levekårsutvalet tar orienteringane til vitande

Handsaming i Levekårsutvalet - 30.05.2024 av sak 4/2024 Orienteringssak til Levekårsutvalet 30. mai:

Ungdomskoordinator Ingrid Bø Marøy orienterte om resultata frå Ungdata-undersøkinga.

- Inger Lise Brekke spurte kva Marøy sjølv synest er viktigast å jobba vidare med, Marøy svara at det er det som er sagt frå ungdommane om hasj, marihuana og at enkelte seier at dei har fått tilbod om kokain. Vidare er det viktig å merka seg svara om at jenter svarer at dei har delt bilde av seg sjølv mot å få gode.
- Kommunalsjef Trine Merete Jansen la til at politiet si tilbakemelding etter at dei har fått sjå undersøkinga, er at dei har lite saker frå Austrheim.
- Per Lerøy sa at Ap har hatt eit eige møte med politikontakten og gitt innspel direkte til politiet om aktuelle problemstillingar som politiet må jobba vidare med.
- Kommunalsjef Trine Merete Jansen sa at administrasjonen gjerne kjenner nokre konkrete saker, der ein på grunn av teieplikt ikkje kan informera politikarane konkret.
- Inger Lise Brekke spurte Marøy om kva som er trendane, og om omfanget av den utenforskapen som er registrert, og som kan gje grunnlag for andre ting. Marøy svara at ein jobbar med eit variert tilbod, slik at det skal finnast noko som femner alle ungdommane.
- Linda Brandtun spurte om samarbeid mellom ungdomskontakten og MOT-koordinatoren Marøy svara at det er planar om meir samarbeid, og ein vil bruka undersøkinga til å sjå på kva som skal vera fokusområde framover. Det er eit godt samarbeid mellom fritidstilbod og skule.
- Renee Semmingsen spurte om det er sett resultat etter den samlinga skulen hadde (foreldremøte), om seksuell trakassering og namnekalling. Kommunalsjef Jansen svara at det var veldig gode resultat på kort sikt etter møtet, Semmingsen og Brekke oppmoda til å ta dette arbeidet opp igjen med jamne mellomrom.

- Inger Lise Brekke spurte om hærverk, kommunalsjef Jansen svara at det går i bølgedalar og vert jobba med.
- Per Lerøy sa at han merkar seg at mange unge ikkje vil busetta seg i Austrheim, men håpar at fleire likevel vil komma tilbake. La til at det er fleire som har gjeve konkrete tilbakemeldingar på at dei har blitt mobba på ungdomsskulen og ikkje vil busetta seg her i kommunen, der har ein svikta om mobbinga ikkje blir tatt fatt i av lærar og skule.
- Kommunalsjef Jansen sa at det må jobbast med inkludering, for alle alderstrinn, og fekk støtte av Renee Semmingsen, Linda Brandtun og Per Lerøy, som sa at det må jobbast med inkludering for også vaksne, anten det er idrettslag eller anna.
- Inger Lise Brekke sa at det er ingen grunn til at ungdommane skal vera redde for å bli arbeidsledige, det vert stor bruk for arbeidskraft framover. Behovet for arbeidskraft er eit stort argument for å halda på folk og inkludera.
- Per Lerøy spurte om bassenget på Kaland, møtesekretær Ketil Tjore la fram det som er formidla frå kommunalsjef Bjarte Rosenlund: "Administrasjonen kartlegg fleire alternativ, og har ei sak gåande på symjebassenget på Kaland som ikkje er heilt avklart endå. Det er meir omfattande enn ein hadde sett føre seg i byrjinga. Det er dialog med skulane og dei ordnar seg alternative løysingar. Sjølv om det ikkje er ideelt, så får elevane lovpålagt symjeopplæring."
- Per Lerøy og Renee Semmingsen påpeika begge to at det er OK at elevane får eit symjetilbod, men at manglande basseng gjer at aktivitetane forvitrar for symjeklubben.
- Per Lerøy la fram eige framlegg til vedtak for denne orienteringa: "Levekårsutvalet tek orienteringa til vitande. Levekårsutvalet er klar over at ungdomsmiljøet i kommunen kan vera utfordrande og ber om at kommunedirektøren følgjer opp undersøkinga med førebyggjande tiltak. Spesielt ber Levekårsutvalet kommunedirektøren prioritera oppgraderinga av uteområdet ved Årås skule og reparasjon av bassenget på Kaland skule slik at dette er klart til bruk når sesongen startar første september i år."
- Inger Lise Brekke spurte kva ungdommane etterlyser av tilbod, Marøy svara at det er etterlyst ein kafé der dei kan møtast uorganisert og "henga" saman. Ser på ungdomsklubben at det ikkje alltid treng vera så organisert, men berre vera saman.
- Ungdomskontakt Marøy sa om ungdomsklubben at det er er etterlyst litt foreldrevakter i samband med kveldar, det er nokre foreldre som møter. Linda Brandtun sa at det ikkje bør vera foreldrevakter på ungdomsklubben, det må vera ein friplass. Renee Semmingsen sa at ein bør sjå på om det er mogleg å rekruttera

18/19-åringar som ein kan betala litt. Viste til Alver kommune som ikkje slepper inn foreldre på anna enn større arrangement.

- Marøy sa seg samd med at det ikkje er ideelt med foreldrevakter, men det er ei løysing dersom ein skal ha fleire opningskveldar på ungdomsklubben

Kommunalsjef helse og velferd, Anne Hildegunn Færøy, orienterte om pandemi-avtale med Helse Bergen (avtalen låg ved innkallinga).

Utvalsleiar Per Lerøy refererte framlegga til vedtak.

Handsaming i Levekårsutvalet:

Samrøystes for å ta orienteringane til vitande, og for Per Lerøy sitt framlegg om Ungdata-undersøkinga og tiltak for uteområde på Årås og bassenget på Kaland.

Vedtak i Levekårsutvalet - 30.05.2024 av sak 4/2024 Orienteringssak til Levekårsutvalet 30. mai:

Levekårsutvalet tek orienteringane til vitande.

Levekårsutvalet er klar over at ungdomsmiljøet i kommunen kan vera utfordrande og ber om at kommunedirektøren følgjer opp undersøkinga med førebyggjande tiltak. Spesielt ber Levekårsutvalet kommunedirektøren prioritera oppgraderinga av uteområdet ved Årås skule og reparasjon av bassenget på Kaland slik at dette er klart til bruk når sesongen startar første september i år.

PS 18/2024 Referatsaker

Kommunedirektøren sitt framlegg til vedtak:
Levekårsutvalet tek referatsakene til vitande.

Handsaming i Levekårsutvalet - 30.05.2024 av sak 18/2024 Referatsaker:

Utvalsleiar Per Lerøy refererte framlegget til vedtak.

Handsaming i Levekårsutvalet:
Samrøystes for kommunedirektøren sitt framlegg til vedtak.

Vedtak i Levekårsutvalet - 30.05.2024 av sak 18/2024 Referatsaker:

Kommunedirektøren sitt framlegg til vedtak:
Levekårsutvalet tek referatsakene til vitande.

RS 4/2024 Årsmelding frå Sivilombudet 2023

Handsaming i Levekårsutvalet - 30.05.2024 av sak 4/2024 Årsmelding frå Sivilombudet 2023:

Ført under 18/2024 - Referatsaker.

Vedtak i Levekårsutvalet - 30.05.2024 av sak 4/2024 Årsmelding frå Sivilombudet 2023:

RS 5/2024 Vikarbruk i offentlig sektor

Handsaming i Levekårsutvalet - 30.05.2024 av sak 5/2024 Vikarbruk i offentlig sektor:

Ført under 18/2024 - Referatsaker.

Vedtak i Levekårsutvalet - 30.05.2024 av sak 5/2024 Vikarbruk i offentlig sektor:

RS 6/2024 Rapport om kartlegging av kommunane si saksbehandling i helse- og omsorgstenesta

Handsaming i Levekårsutvalet - 30.05.2024 av sak 6/2024 Rapport om kartlegging av kommunane si saksbehandling i helse- og omsorgstenesta:

Ført under 18/2024 - Referatsaker.

Vedtak i Levekårsutvalet - 30.05.2024 av sak 6/2024 Rapport om kartlegging av kommunane si saksbehandling i helse- og omsorgstenesta:

RS 7/2024 Informasjon om lovendring - omvendt voldsalarm

Handsaming i Levekårsutvalet - 30.05.2024 av sak 7/2024 Informasjon om lovendring - omvendt voldsalarm:

Ført under 18/2024 - Referatsaker.

Vedtak i Levekårsutvalet - 30.05.2024 av sak 7/2024 Informasjon om lovendring - omvendt voldsalarm:

PS 19/2024 Revidering av barnehagevedtekter 2024

Kommunedirektøren sitt framlegg til vedtak:

Kommunedirektøren tilrår at Levekårsutvalet sluttar seg til framlegg til reviderte barnehagevedtekter for barnehagar som Austrheim kommune eig.

Politisk handsaming

Saka skal avgjerast i kommunestyret

Saka gjeld:

Ei arbeidsgruppe har revidert gjeldande vedtekter for barnehagar som Austrheim kommune eig, å kome med framlegg til endringar. I framlegget er det det meste er vidareført frå gjeldande vedtekter, men nokre endringar er gjort.

Saksopplysningar

Bakgrunn:

Barnehagar som Austrheim kommune eig, skal drivast i samsvar med gjeldande lov og retningslinjer fastsett av departementet, kommunale vedtak og plan for den einskilde barnehage.

Barnehagen skal gje barn under skulealder gode høve til utvikling og aktivitet i nær forståing og i samarbeid med barna sin heim. Barnehagen skal hjelpe til med å gje barna oppseding i samsvar med grunnleggande verdiar i kristen og humanistisk arv og tradisjon, slik som respekt for menneskeverdet og naturen, på åndsfridom, nestekjærleik, tilgjeving, likeverd og solidaritet, verdiar som kjem til uttrykk i ulike religionar og livssyn og som er forankra i menneskerettane - jamfør Lov om barnehagar (LOB) § 1.

Ei arbeidsgruppe har revidert gjeldande vedtekter for barnehagar som Austrheim kommune eig, å kome med framlegg til endringar. I framlegget er det det meste er vidareført frå gjeldande vedtekter, men nokre endringar er gjort. Arbeidsgruppa tilrår ei presisering/endring når det gjeld ferieavvikling for barn. Barnehagane er no open 12 månader i året, men barna skal sikrast 4 veker ferie kvart år. Det har dei siste åra vore ei utfordring å kombinere god og sikkert drift av barnehagen og ferieavvikling for dei tilsette. Ein ser også at størsteparten av barna avviklar ferie i juli. Arbeidsgruppa ser at det vil vera tenleg for drifta å stengje barnehagane heilt i ein avgrensa periode på to til tre veker om sumaren, og ber politikarane vurdere tre ulike alternativ for ferieavvikling for barn.

1. Minst tre av ferievekene skal vera samanhengande, og takast ut mellom 15. juni og 15. august. Frist for melding om sommarferie er 1. mai. (dette er praksis i dag)
2. Barnehagen er stengt i tre veker i juli.

3. Barnehagen er stengt i to veker i juli, med fleksibilitet i begge ender.

Framlegget er utarbeidd i tett samarbeid mellom barnehagane, barnehageeigar og barnehagemyndene og har vore ute på høyring i råd og utval.

Kommunedirektøren si tilråding

Kommunedirektøren tilrår at Levekårsutvalet sluttar seg til framlegg til reviderte vedtekter for barnehagane, der kommunestyret må velje og vedta eit av tre alternativ for ferie for barn frå og med barnehageåret 2025/2026.

Handsaming i Rådet for menneske med nedsett funksjonsevne - 29.05.2024 av sak 11/2024
Revidering av barnehagevedtekter 2024:

Framlegg til vedtak:

Nye barnehagevedtekter:

I § 14: ordlyden bør endrast til følgjande:

Når det gjeld barn med behov for tilrettelegging no eller i framtida, skal styraren i barnehagen i samråd med foreldre syta for at barnet får hjelp ved at dei rette faginstansane vert kontakta. Jamfør § 37.

Handsaming i Råd for menneske med nedsett funksjonsevne:

Samrøystes for framlegg til vedtak

Vedtak i Rådet for menneske med nedsett funksjonsevne - 29.05.2024 av sak 11/2024
Revidering av barnehagevedtekter 2024:

Råd for menneske med nedsett funksjonsevne sitt vedtak:

Nye barnehagevedtekter:

I § 14: ordlyden bør endrast til følgjande:

Når det gjeld barn med behov for tilrettelegging no eller i framtida, skal styraren i barnehagen i samråd med foreldre syta for at barnet får hjelp ved at dei rette faginstansane vert kontakta. Jamfør § 37.

Handsaming i Levekårsutvalet - 30.05.2024 av sak 19/2024 Revidering av barnehagevedtekter 2024:

Kommunalsjef Trine Merete Jansen orienterte om saka, jamfør saksgrunnlaget.

- Per Lerøy sa at stenging av barnehagen vil vera vanskeleg for dei som jobbar til dømes på Mongstad, der skiftplanen bestemmer ferien.
- Renee Semmingsen og Hege Bergsvik sa at det vil vera vanskeleg også i omsorgsyrkene, der det er ferieplanar som bestemmer dette. Hege Bergsvik sa at stenging vil vera utfordrande, særleg meir enn 2 veker.
- Lisbeth Oen spurte om det er mogleg å ha eit tettare samarbeid mellom barnehagane, her var det fleire som kommenterte at det kan vera utfordrande om borna skal vera på ein annan barnehage deler av sommaren.
- Renee Semmingsen sa at det kan vera utfordrande om ein kvart år skal måtta be om ferie til same tid, for det kan gje gnissingar på arbeidsplassen.
- Inger Lise Brekke sa at det kan vera OK med 2 veker men ikkje 3 veker stengt.
- Oscar Føyen spurte om å rekruttera ungdommar til å jobba i barnehagane, kommunalsjef Jansen svara at det må vera kvalifisert personell som skal jobba der.
- Per Lerøy viste til at det for alle dei som jobbar skift så er det arbeidsgjevar som fastset ferielistene. Ferie vert fordelt over juni/juli/august for mange arbeidstakarar. Viktig å ha fleksibilitet i det tilbodet kommunen gjev, tilbodet er viktig for dei som treng det.
- Hege Bergsvik sa at dersom barnehagane skal stenga så må arbeidsgjevarane tilpassa seg også. Må sjå på at barnehagane har lite ferie.
- Inger Lise Brekke sa at det må vera også bedriftene som må justera seg, Per Lerøy svara at det er kommunen som må levera dei tenestene folk treng.
- Lisbeth Oen sa seg samd i at det bør vera som i dag, av omsyn til dei som ikkje har nokon som kan ta vare på borna sine, ved at dei ikkje har familie eller andre lokalt.
- Linda Brandtun sa at det er veldig lite bemanning enkelte veker på sommaren, det undergrev det arbeidet ein gjer elles av året. Om ein stenger to veker kan ein styrka bemanninga resten av året.
- Renee Semmingsen sa at ein bør setta tidlegare frist for å melde inn ferie for barnehageborn, sidan ferieplanar blir lagt tidleg på arbeidsplassane.
- Trine Merete Jansen sa at det vil råka nokre få barn med stenging, men det vil kunna vera bra for drifta av barnehagen resten av året. Må sjå at det er viktig for drifta av barnehagane resten av året.

- Det vart spelt inn at det er utfordringar for dei tilsette i barnehagane også å få avvikla ferie, her sa Per Lerøy at det handlar om at arbeidsgjevar må bestemma.
- Inger Lise Brekke sa at med nokre veker stengt kan ein ha meir bemanning disponibelt resten av sommaren.

Bladde gjennom dei ulike høyringsinnspela som har komme på dei nye vedtektene.

- Per Lerøy sa at det kan vera negativt for barnetalet i kommunen om ein stenger barnehagen fast fleire veker.
- Trine Merete Jansen sa at det mest negative for omdømmet til kommunen er at barnehagane må stenga avdelingar enkelte dagar, og då må be foreldra henta borna sine frå barnehagen.
- På spørsmål frå Lisbeth Oen svara Trine Merete Jansen at den største utfordringa er å skaffa vikarar ved sjukefråvær.
- Linda Brandtun sa at det for SFO er stengt 4 veker, barnehagen må kunna vera stengt 2 veker. Viktig med evaluering, her vart det diskutert om det er rett å evaluera etter 1 år eller om det bør vera 2 eller 3.
- Anne Hildegunn Færøy viste til at det med rekruttering vert viktig framover, det er utfordrande å rekruttera til barnehageyrket.
- Inger Lise Brekke viste til at det er lite attraktivt å ta arbeid i barnehage, samstundes som låg arbeidsløyse gjer at det er lett for barnehage tilsette å finna arbeid innanfor andre yrke.
- Det vart diskutert litt rundt dei ulike framlegga kring stenging på sommaren, det kom fram at det var fleirtal for framlegg nummer tre, med stenging i to veker.
- Levekårsutvalet rår til at dette vert ei prøveordning i to år frå 2025, som skal evaluerast etter eitt år, og ein skal ta resultata frå evalueringa det med seg inn i neste år.

Det vart diskutert kring innspelet frå RMNF, Trine Merete Jansen viste til at paragraf 14 i vedtektene har ein ordlyd som er henta frå lovverket. Jansen sa at ein kan justera teksten til at det kan endrast til "barn med nedsett funksjonsevne", og ikkje "barn som er funksjonshemma". Semje i utvalet om denne endringa.

Utvalsleiar Per Lerøy refererte framlegga til vedtak.

Handsaming i Levekårsutvalet:

Samrøystes for stenging i to veker med evaluering etter 1. år, samt for RMNF sitt framlegg til endring av ordlyd.

Vedtak i Levekårsutvalet - 30.05.2024 av sak 19/2024 Revidering av barnehagevedtekter 2024:

Levekårsutvalet si tilråding til vedtak i kommunestyret:

Kommunestyret vedtek reviderte barnehagevedtekter for barnehagar som Austrheim kommune eig.

Barnehagane er stengt i to veker i juli, med fleksibilitet i begge ender. Dette vert ei prøveordning i to år frå 2025. Ordninga skal evaluerast etter eitt år, og ein skal ta resultata frå evalueringa det med seg inn i neste år.

For § 14 i barnehagevedtektene, skal ordlyden endrast slik at "funksjonshemma" vert endra til "barn med nedsett funksjonsevne".

PS 20/2024 Skulereglar 2024 1. utkast

Kommunedirektøren sitt framlegg til vedtak:

Kommunedirektøren tilrår at Levekårsutvalet sluttar seg til framlegg til forskrift om skulereglar for kommunale grunnskular i Austrheim kommune, gjeldande frå og med 01.08.24

Handsaming i Rådet for menneske med nedsett funksjonsevne - 29.05.2024 av sak 13/2024
Skulereglar 2024 1. utkast:

Framlegg til vedtak:

Råd for menneske med nedsett funksjonsevne har ingen innspel til framlegg til skulereglar

Handsaming i Råd for menneske med nedsett funksjonsevne:
Samrøystes for framlegg til vedtak

Vedtak i Rådet for menneske med nedsett funksjonsevne - 29.05.2024 av sak 13/2024
Skulereglar 2024 1. utkast:

Råd for menneske med nedsett funksjonsevne sitt vedtak:

Råd for menneske med nedsett funksjonsevne har ingen innspel til framlegg til skulereglar

Handsaming i Levekårsutvalet - 30.05.2024 av sak 20/2024 Skulereglar 2024 1. utkast:

Kommunalsjef Trine Merete Jansen orienterte om saka, jamfør saksgrunnlaget.

- Renee Semmingsen sa at dette med energidrikk må inkluderast som snop.
- Linda Brandtun ba om at ein tek vekk at tillitsvalde elevar skal ha ansvar for mobilbruk, det fekk støtte frå utvalet.
- Linda Brandtun spurte om punktet med tildekking av andletet, Jansen svara at det er i tråd med lovfesta reglar om at ein ikkje kan dekkja til andletet.
- Per Lerøy ba om at levekårsutvalet i vedtaket ber administrasjonen om å sjå gjennom dei innspela som har komme, og revidera reglementet før det kjem til kommunestyret.

Utvalsleiar Per Lerøy refererte framlegget til vedtak.

Handsaming i Levekårsutvalet:

Samrøystes for Per Lerøy sitt framlegg til vedtak.

Vedtak i Levekårsutvalet - 30.05.2024 av sak 20/2024 Skulereglar 2024 1. utkast:

Levekårsutvalet 30. mai:

Levekårsutvalet ber administrasjonen om å sjå gjennom dei innspela som har komme, og revidera reglementet før det kjem til kommunestyret.

PS 21/2024 Revidering av SFO-vedtektene

Kommunedirektøren sitt framlegg til vedtak:

Kommunedirektøren tilrår at Levekårsutvalet sluttar seg til framlegg til reviderte vedtekter for skulefritidsordninga i Austrheim kommune.

Handsaming i Rådet for menneske med nedsett funksjonsevne - 29.05.2024 av sak 12/2024
Revidering av SFO-vedtektene:

Framlegg til vedtak:

I punkt ein under opptak bør ordlyden endrast:

Dersom det er fleire søkjarar enn det er plass til i SFO, skal følgjande kriterium gjelde:

1. elevar med særskilte behov for tilrettelegging har førerett

Handsaming i Råd for menneske med nedsett funksjonsevne:
Samrøystes for framlegg til vedtak

Vedtak i Rådet for menneske med nedsett funksjonsevne - 29.05.2024 av sak 12/2024
Revidering av SFO-vedtektene:

Råd for menneske med nedsett funksjonsevne sitt vedtak:

I punkt ein under opptak bør ordlyden endrast:

Dersom det er fleire søkjarar enn det er plass til i SFO, skal følgjande kriterium gjelde:

1. elevar med særskilte behov for tilrettelegging har førerett

Handsaming i Levekårsutvalet - 30.05.2024 av sak 21/2024 Revidering av SFO-vedtektene:

Kommunalsjef Trine Merete Jansen orienterte om saka, jamfør saksgrunnlaget.

- Per Lerøy sa at dersom søknaden til SFO gjer at bemanninga må aukast, så må dei folkevalde sjå på dette opp mot budsjettet for 2025.
- Det vart diskutert litt rundt dette med heiltidsstilling og SFO, og det kom fram at det kan vera utfordrande med heile stillingar når SFO-året tilsvarer 89 prosent stilling (fri når skulen er stengt)
- Per Lerøy ba om at levekårsutvalet i vedtaket ber administrasjonen om å sjå gjennom dei innspela som har komme, og revidera SFO-vedtektene før dei kjem til kommunestyret.
- Etter oppmoding frå Renee Semmingsen ber ein administrasjonen om å endra ordlyden "funksjonshemma" til "personar med nedsett funksjonsevne"

Utvalsleiar Per Lerøy refererte framlegget til vedtak.

Handsaming i Levekårsutvalet:

Samrøystes for Lerøy/Semmingsen sitt framlegg til vedtak.

Vedtak i Levekårsutvalet - 30.05.2024 av sak 21/2024 Revidering av SFO-vedtektene:

Levekårsutvalet 30. mai:

Levekårsutvalet ber administrasjonen om å sjå gjennom dei innspela som har komme, og revidera SFO-vedtektene før dei kjem til kommunestyret.

Levekårsutvalet ber administrasjonen om å endra ordlyden "funksjonshemma" til "personar med nedsett funksjonsevne"

PS 22/2024 Utnemning av medlem til arbeidsgruppe - vurdering av ny plassering av motorcrossbana

Kommunedirektøren sitt framlegg til vedtak:

Levekårsutvalet utnemner til medlem i arbeidsgruppe for vurdering av ny plassering av motorcrossbana.

Handsaming i Levekårsutvalet - 30.05.2024 av sak 22/2024 Utnemning av medlem til arbeidsgruppe - vurdering av ny plassering av motorcrossbana:

Per Lerøy orienterte om saka. Det eksisterer alt ei mogleg alternativ plassering i Dyrneskrysset i eit steinbrot der, der det ligg til rette med straum og vatn, og positiv innstilling frå grunneigar. Dette er noko som må vera med i det vidare arbeidet.

Det vart diskutert litt kring kven som kan vera Levekårsutvalet sin utsending, det vart semje om at det skal vera eit fast medlem eller varamedlem frå Levekårsutvalet.

Oscar Føyen sa at dette er ei oppgåve han kan ta på seg.

Utvalsleiar Per Lerøy refererte framlegget til vedtak.

Handsaming i Levekårsutvalet:

Samrøystes for Oscar Føyen som Levekårsutvalet sin representant til arbeidsgruppa for vurdering av ny plassering av motorcrossbana.

Vedtak i Levekårsutvalet - 30.05.2024 av sak 22/2024 Utnemning av medlem til arbeidsgruppe - vurdering av ny plassering av motorcrossbana:

Oscar Føyen stiller som Levekårsutvalet sin representant til arbeidsgruppa for vurdering av ny plassering av motorcrossbana.

